



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Stephani Thevpoli Bened. F. Patric. Veneti,  
Academicarum Contemplationum Lib. X**

**Piccolomini, Francesco**

**[Basel], 1590**

**VD16 ZV 12463**

De multiplici nominis Daemonum significatione. Cap. 1.

**urn:nbn:de:hbz:466:1-12918**



STEPHANI THEVPOLI,  
BENEDICTI F.PA-  
TRITII VENETI,  
ACADEMICARVM  
*Contemplationum,*  
LIBER VI.  
DE DAEMONIBVS.

*De multiplici nominis Dæmonum  
significatione.*

CAP. I.

**D**OQVVTVR de Dæmonibus, qui conuenienti ratione ani-  
mæ mundi, & sphærarum, tan-  
quam ducibüs succedere viden-  
tur, ut id bono Dæmone efficia-  
mus, optandum est. Nos monet bonus Dæ-  
mon, vt à nominis significationib. ordiamus;  
præsertim, cùm Dæmonis nomen, non uno  
modo, sed inultipliciter accipiatur. Dicitur  
Dæmon, vt ait Plato in Cratylo, quasi sapiens;  
& cùm sit sapiens, etiam dicitur esse Dux peri-  
tus. Huiusmodi sapiens, & peritus Dux; non-  
nun-

nunquam propriè accipitur, pro natura Dæmonis ab aliis rerum gradibus distincta; non-nunquam verò latè accipitur, pro denotandis illis, quæ similitudine, & analogia quadam includunt cōditiones Dæmonum: quod potest contingere dupliciter, vel cum depressione, vel cum eminentia. Hinc patet, quomodo consurgant trēs Dæmonum præcipuæ acceptio[n]es. Dæmon propriè sumptus, ex sententia Platonis in conuiuio in oratione Diotimæ, denotat naturam medium inter mortales homines, & Deos; conciliatricem eorum inter se; ministram Deorum, Duce[m] verò hominū: In quarto autem de Legibus, dicūtur Dæmones interpres Deorum apud homines. Cū itaque manus Dæmonis sit præesse, interpretari, curare, & ducere, quod manus in eminentia conuenit Diis; ideo nonnunquam Dæmonis nomen apud Platonem ad Deos extollitur: & per Deos intelligi volo vniuersam mentium latitudinem, vel abiunctam, vel mediante anima cum æterno corpore complicata[m]. Dij enim eminentes sapiunt, ducunt, & prouident: ideo Orpheus Iouem, magnum Dæmonem appellauit. Accedit, quod, ut supremini Dæmones nonnunquam, ob affinitatem cum Diis, Deorum nomine honestantur; ita Dij postremi, qui Dij dicuntur, non absolute (v[er]nus enim absolute est Deus) sed participatio[n]e, & similitudine, ob nexum cum Dæmonibus, Dæmones aliquando nuncupantur. Ex

N 2

aduerso, utimur nonnunquam nomine Dæmonis eum depressione conditionum; dum Naturas infra Dæmonicam collocatas, nuncupamus Dæmones: in qua significatione humanas animas, & præsertim mētem ab ea participata mē, Dæmonem nuncupamus; & iure quidem. Nam ut vniuersa Dæmonis natura, ex anima & participata mente constans, præst est vniuersæ naturæ hominis, ex anima & mente constituti; ita mēs participata ab anima hominis, eidem animæ, tanquam Dæmon eius præesse dicitur: quæ acceptio eatenus dicitur cum depressione, quatenus participatio mentis in humana anima est obscurior, quam participatio eiusdem in anima Dæmonis: Est itaque cum depressione, comparando animam hominis animæ Dæmonum, mentemq; menti. Propterea dixit Timæus, Deum nobis supermari animæ partem, vt Dæmonem concessisse. Ob eandem rationis conuenientiam, Prudentia, & Imprudentia hominis; ea boni, hæc mali Dæmonis nomine denotantur: & ab Arist. fœlicitas nuncupatur Eudæmonia; quia à Sapientia, & Prudentia, vt à duobus pendet. Hinc mos vniuersusque Dæmon dicitur; & Zenocrates eum habere bonum Dæmonem asseruit, cuius anima esset studiosa. Seruata quoque eadem rationis similitudine, nedum Mens hominis, vel eiusdem Sapientia, & Prudentia, dicuntur Dæmones; verum insuper ipsi quaque affectus, à quibus ducimur. Inde nobis,

nobiscum duo conuiuere Dæmones dicuntur,  
ratio, & animi affectiones, siue appetitiones.  
Et quoniam ex affectionibus animi vehemen-  
tissimus est Amor; qui nedum nos sæpè rapit  
inuitos, verùm insuper valet homines eleuare  
ad Deos, & Deos cum hominibus conciliare:  
ideo à Platone in Conuiuio, Amor magnus  
Dæmon nuncupatur: ob eandem quoq; con-  
ditionum similitudinē, ab Arist. in lib. de Diui-  
natione per somniū, Natura Dæmonia nancu-  
patur, & Dæmonia dicitur: quoniā, vt Dæmo-  
nes sunt Deorum famuli; sunt periti duces, &  
Deorū leges absoluūt; ita ex sentētia Arist. Na-  
tura Deo simulatur, opera ei⁹ absoluit.. Ideò,  
inquit Arist. in 1. cœli 32. Deus, & Natura nil  
faciunt frustra; & Auer. in 12. Met. 18. inquit cū  
Themist. Naturā non errare, quia dirigitur ab  
intelligentia nō errante. Accedit demū, quod  
iure Aristot. Naturam dicit Dæmoniam: quo-  
niā ea admirabilia opera, quæ ob latenter  
caussam ab aliis iudicantur fieri per Dæmo-  
nes, ab Aristotele dicuntur fieri per naturam  
modo latente: per proprietates rerum obscu-  
ras, vel ignotas. Cūm itaque Dæmonis nomen  
varia significet, ego de Dæmonibus ex senten-  
tia Platonis loquuturus, de proprietate sum-  
ptis verba faciam; qui non similitu-  
dine, sed natura, essentia,

& proprietate sunt  
Dæmones.

N 3